



ATASSUT
Postboks 399
3900 Nuuk
+299323366
Fax: +299325840
Atassut@greenet.gl
www.atassut.gl

Nuuk 15. marts.2007

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apequteqarpugut:

Apequt: Nunatsinni ilinniartoqarfiit ingerlatsinerat pillugu nakkutilliineq qanoq ittoq ingerlanneqarpa, aammalu nunatsinni ilinniartitaanerup qaffassarneqarneranut atatillugu ilinniartoqarfiit aqqissugaanerat allanngortissallugu Naalakkersuisut pilersaaruteqarpat?

(ATASSUT-ip Inatsisartuni ilaasortaaitai: Augusta Salling, Ellen Christoffersen, Kristian Jeremiasen, Thomas Kristensen, Godmand Rasmussen)

Tunngavilersuut:

Ukiuni makkunani inuiaqatigiit ilinniarsimassutsikkut qaffassaavigineqarnissaat siunertaralugu Inatsisartut immikkut aningaasaliissuteqarput ilaatigut ilinniartoqarfiit annertunerusumik neqerooruteqarsinnaanissaat qulakkeerneqarsinnaaqqullugu. Tamanna ajunngilluinnarpoq, pingaartumik aningaasaliinerussutaasut ilinniarsimasunik amerlanernik pissarsissutaasinnaanissaat matumani qulakkeerneqarmat.

Taamaakkaluortoq ATASSUT-mit arajutsisimannilarput nunatta karsiata naatsorsuutaasa suliarineqartarneranut atatillugu ukiut tamarluinnaasa ilinniartoqarfiit arlalissuusartut ingerlatsisimaneri pillugit Ilinniartitaanerup Naalakkersuisoqarfik Inatsisartut Kukkunersiuinerup Ataatsimiititaliaanit uparuarneqartarmat tassungalu atatillugu ilinniartoqarfiit ingerlatsinerat pillugu Naalakkersuisut annertunerusumik nakkutilliinissaat piumasarineqartarluni.

Tamanna tunngavigalugu ATASSUT-mit Naalakkersuisunut kissaatigissavarput nunatsinni ilinniartoqarfiit ingerlatsinerat pillugu nakkutilliineq qanoq ittoq ingerlanneqarnerasoq, aammalu nunatsinni ilinniartitaanerup qaffassarneqarneranut atatillugu ilinniartoqarfiit aqqissugaanerat allanngortissallugu Naalakkersuisut pilersaaruteqarnerusut akissuteqarfigeqqullugit, taakku saniatigut kissaatiginartipparput makku aamma akineqassasut:

- Ilinniartoqarfiit tamarmik siulersuisoqartinneqalernissaat pilersaarutigineqarpa?
- Ilinniartoqarfiit siulersuisoqartitaasut siulersuisuisa pisinnaatitaaffii pisussaaffiilu qanoq ittuuppat?
- Ilinniartoqarfiit aningaasatigut ingerlatsinerat pillugu piumasaqaatit naleqquttuuppat?

Piaartumik akineqarnissarput naatsorsuutigaarput, akissutillu ukununga nassiunneqassasut kissaatigaarput: aus@gh.gl krje@gh.gl thok@gh.gl gora@gh.gl ekri@gh.gl kiisalu landstinget@gh.gl

Qujanaq.